



Broj, 01-07-10-25-5/2025  
Sarajevo, 15.1.2025. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Katice Jozak-Mađar, [REDACTED], [REDACTED], [REDACTED], [REDACTED], od 13.1.2025. godine, predsjednik Visokog sudskog i tužilačkog vijeća Bosne i Hercegovine donosi

## RJEŠENJE

**Odobrava se pristup informacijama o članovima i načinu odabira Drugostepene disciplinske komisije u disciplinskom postupku koji se vodi protiv sutkinje Kantonalnog suda u [REDACTED]**

## Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 13.1.2025. godine zaprimilo zahtjev Katice Jozak-Mađar, [REDACTED] (u daljem tekstu: podnositeljica zahtjeva) za pristup informacijama o članovima Drugostepene disciplinske komisije koja će odlučivati u žalbenom postupku na Odluku Prvostepene disciplinske komisije za sudije, [REDACTED], na koju je podnositeljica zahtjeva, putem punomoćnika, uložila žalbu 28.12.2024. godine te kako je ista formirana i odabrana.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje informacije navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

Uvidom u službenu evidenciju, utvrđeno je da je disciplinski predmet po žalbama Ureda disciplinskog tužioca VSTV-a BiH i tužene [REDACTED] na Odluku Prvostepene disciplinske komisije broj [REDACTED], putem DKCMS sistema, dodijeljen Drugostepenoj disciplinskoj komisiji u sastavu: sudija Mustafa Šabić, predsjedavajući Komisije, sudija mr. Srđan Forca i sudija Halil Lagumdžija, kao članovi Komisije.


Član Drugostepene disciplinske komisije Halil Lagumdžija je podnio zahtjev za svoje izuzeće obzirom da je u toku ovog prvostepenog postupka saslušan u svojstvu svjedoka, o kojem zahtjevu je odlučeno na sjednici Vijeća održanoj 15.1.2025. godine. Odlukom VSTV-a BiH, zahtjev predsjednika Lagumdžije za izuzećem je usvojen. U skladu sa procedurom, za članicu Drugostepene disciplinske komisije, umjesto sudije Halila Lagumdžije, imenovana je tužiteljica Bojana Jolović.

Postupajući po zahtjevu podnositeljice, a u skladu sa svim gore navedenim, odlučeno je kao u dispozitivu ovog rješenja.

**Pouka o pravnom lijeku:**

Protiv ovog rješenja podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositeljica žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositeljici zahtjeva
2. Odjelu za disciplinske postupke i etiku nosilaca pravosudnih funkcija
3. U spis